


Los ntawm
Thawj Tswj Hwm
Thomas S. Monson



Tus Tswv Xav Tau cov Tub Txib Qhia txoj Moo Zoo

Lub Kaum Hli Ntuj tsaib no kuv nqua hu kom peb xa cov tub txib coob dua yav tas los mus qhia txoj moo zoo. Txhua tus tub hluas uas tsim nyog thiab muaj peev xwm yuav tsum npaj mus ua tub txib tshaj tawm txoj moo zoo. Txoj kev mus ua tub txib tshaj tawm txoj moo zoo yog ib lub luag hauj lwm ntawm lub pov thawj hwj—ib qho uas peb tshuav tus Tswv vim peb tau txais ntau yam los lawm. Hais rau cov tub hluas, kuv ntuas nej kom npaj mus ua tub txib tshaj tawm txoj moo zoo. Ceev nej tus kheej kom dawb huv thiab tsim nyog sawv cev tam tus Tswv. Tswj tuav thiab saib xyuas nej tej kev noj qab nyob zoo thiab tej dag zog. Rau siab kawm cov vaj lug kub. Thaum twg koom tau, koom tej Tsev Qhia Ntawv Vaj Lug Kub (Seminary los yog Institute). Rau siab nyeem thiab paub cov tub txib phau ntawv qhia kev, *Qhia Kuv txoj Moo Zoo*.

Hais ib los rau nej cov muam yau: Txawm hais tias nej tsis muaj lub luag hauj lwm kom mus ua tub txib tshaj tawm txoj moo zoo ib yam li cov tub hluas los, nej kuj pab txoj hauj lwm yam muaj nuj nqi heev thaum nej mus ua tub txib, thiab peb zoo siab txais tos nej los mus ua thiab.

Hais rau nej cov kwv tij thiab cov muam uas muaj hnub nyoog ntau me ntsis, kuv xav pab nej nco qab ntsoov hais tias tus Tswv xav tau tej khub niam txiv

mus ua tub txib tshaj tawm txoj moo zoo coob dua thiab. Yog tias nej cov uas tseem tsis tau txog lub sij hawm hauv nej lub neej uas nej yuav ua ib khub niam txiv mus tshaj tawm txoj moo zoo, kuv yaum kom nej npaj rau hnub uas, raws li nej muaj nyiaj txiag peev xwm mus tau, nej thiab nej tus khub yuav mus ua tau li ntawd. Lub sij hawm uas nej mus ua tub txib tshaj tawm txoj moo zoo no yuav yog ib lub sij hawm hauv nej lub neej uas nej yuav hnob tau tus Tswv tus ntsuj plig pab nej ntau thiab nej yuav txaus siab rau nej tus kheej hais tias nej tau pab khiav tus Tswv tej hauj lwm.

Nim no, tej zaum nej ib txhia ib nyuag txaj muag los yog nej xav hais tias nej tsis muaj kev txawj txaus yuav teb tau hais tias nej mus ua hauj lwm pab qhia txoj moo zoo tau. Nco qab ntsoov hais tias nov yog tus Tswv txoj hauj lwm, thiab thaum peb ua tus Tswv tej hauj lwm, ces peb tsim nyog txais tus Tswv tej kev pab. Tus Tswv yuav npaj ib tug neeg twg lub nraub qaum kom thiaj ris taus lub nra uas nws yuav ris.

Hos lwm tus neeg, txawm hais tias tsim nyog ua hauj lwm pab, xav hais tias muaj lwm yam tseem ceeb dua ua. Kuv mas nco qab ntsoov tus Tswv lo lus cog tseg hais tias: “Lawv tus twg uas saib kuv rau nqi, ces kuv mam li saib tus ntawd rau nqi thiab” (1 Xamuyees 2:30). Peb tus twg yuav tsis muaj peev xwm saib peb Leej Txiv

Saum Ntuj Ceeb Tsheej thiab peb tus Cawm Seej rau nqi tshaj qhov uas peb ua hauj lwm pab nkawd ua tub txib qhia txoj moo zoo uas muab siab npuab nkawd thiab txawj hlub lwm tus neeg.

Ib qho piv txwv txog tej kev ua hauj lwm pab ua tub txib yog thaum ob tug Juliusz and Dorothy Fussek nkawd mus ua tub txib qhia txoj moo zoo hauv teb chaws Poland. Tij Laug Fussek yug los hauv teb chaws Poland. Nws txawj hais yam lus zoo. Nws hlub cov neeg. Tus Muam Fussek yug los hauv teb chaws As Kiv thiab tsis paub ntau hais txog teb chaws Poland thiab tsis paub dab tsi txog cov neeg Polish. Tso siab ntseeg rau ntawm tus Tswv, nkawd mus ua nkawd txoj hauj lwm ntawd. Txoj hauj lwm ntawd yeej ntxim ua rau nkawd kho siab, thiab txoj hauj lwm yeej loj kawg. Thaum ntawd teb chaws Poland tsis tau yog ib qho chaw tshaj tawm txoj moo zoo uas tau txhim tsa lawm. Ob tug Fussek txoj hauj lwm yog kom npaj kev txhim tsa ib qho chaw tshaj tawm txoj moo zoo hauv lub teb chaws ntawd.

Txwj Laug thiab Muam Fussek puas poob siab vim nkawd txoj hauj lwm ntawd loj heev? Tsis poob siab ib zaug hlo li. Nkawd paub hais tias nkawd txoj hauj lwm ntawd yog Vajtsv hu nkawd los mus ua. Nkawd thov Vajtsv kom tau Nws tej kev pab los saum ntuj los, thiab nkawd rau rau siab ua nkawd tej hauj lwm ntawd kom tiav.

Nyob nyob ces Txwj Laug Russell M. Nelson ntawm Pawg Kaum Ob tug Thwj Tim thiab Txwj Laug Hans B. Ringger, thaum ntawd ntawm pawg Xya Caum, thiab kuv, ua ke nrog Txwj Laug Fussek, tau mus ntsib tseem fvw Polish tus neeg saib xyuas tej kev ntseeg ntuj, Adam Wopatka. Peb hnov nws hais tias, “Peb zoo siab txais tos nej lub koom txoos rau peb lub teb chaws no. Peb tso lus rau nej ua tej tsev teev ntuj; thiab rau nej xa nej cov tub txib tuaj. Tus yawm ntawm no,” nws hais taw tes rau Juliusz Fussek, “tau hauj lwm pab nej lub koom txoos zoo kawg nkaus li. Nej yuav tau ris nws txiaj vim yog nws tus yam ntxwv thiab nws tej hauj lwm.”

Ib yam li ob tug Fussek, cia peb ua tej yam uas tsim nyog peb ua thaum peb khiav tus Tswv tej hauj lwm no. Ua li ntawd ces, ua ke nrog Juliusz thiab Dorothy Fussek, peb hais tau zaj nkauj uas hais tias:

“Kev pab kuv yog tuaj ntawm tus Tswv tuaj, nws yog tus tsim lub ntuj thiab lub ntiaj teb.

“ . . . Tus uas saib xyuas koj yuav tsis tsaug zog li.

“Saib seb, tus uas saib xyuas cov neeg Ixayees yeej tsis ncaws dab ntub los yog tsis tsaug zog li” (Nkauj Qhuas Vajtsv 121:2–4).

QHIA LOS NTAWM TSAB XOV NO

Teaching, No Greater Call hais tias: “Qhia ib yam uas tau muaj los rau koj hais txog txoj kev ua neej raws li ib txoj ntsiab cai ntawm txoj moo zoo thiab saib ua li ntawd tau foom koob hmoov rau koj li cas. Caw kom cov uas koj qhia ntawd piav saib tau muaj li cas rau lawv lawm thiab” ([1999], 159). Nyeem tsab xov no, ces nug tsev neeg saib Thawj Tswj Hwm Monson tau hais kom leej twg mus ua tub txib qhia txoj moo zoo. Qhia tej yam uas tau muaj los rau koj los yog lwm tus neeg thaum koj los yog lawv tau mus ua tub txib qhia txoj moo zoo. Los yog qhia lawv txog koj lub tswv yim npaj mus ua ib tug tub txib nyob rau yav tom ntej. Hais kom tsev neeg qhia txog lawv tej tswv yim thiab tej yam uas tau muaj los rau lawv uas zoo.

COV HLUAS

Caij lub Luv Thij Mus rau Yav Tom Ntej

Los ntawm Peter Evans thiab Richard M. Romney

Cov tub hluas feem coob tseg nyiaj txiaj tseg kom npaj mus ua tub txib. Nyob hauv Africa teb chaws, ib feem ntawm tej kev npaj ntawd yog khwv nyiaj txiaj txaus kom thiaj yuav tau daim ntawv hla ciam teb. Sedrick Tshiambine khwv tau tej nyiaj txiaj nws xav tau ua ib txoj kev ua lag luam zoo kawg: nws caij luv thij mus ub no muab txiv tsawb muag.

Sedrick ua neej nyob hauv Luputa, Democratic Republic of Congo. Nws yog ib tug tub hluas ntawm 45 tug tub hluas hauv koog chaw Luputa uas ua hauj lwm tseg nyiaj cia kom thiaj yuav tau ib daim ntawv hla ciam teb thiab mus ua tub txib qhia txoj moo zoo. Hauv DR Congo ib daim ntawv hla ciam teb tus nqi yog \$250, uas yog ob feem peb ntawm tus nqi uas yuav tsum them kom thiaj ua tau ib lub tsev nyob.

Tiam sis Sedrick tsis kam tso tseg li. Nws khwv nyiaj txiaj npaj mus ua tub txib thaum nws caij luv thij

15–30 kis laus mev (9–19 mais) tuaj mus ntawm Luputa mus rau tej lub zos me me, ces nws yuav ib co txiv tsawb, ces nws caij luv thij rov qab mus hla Africa teb chaws tej roob moj sab qhua, thauj nws cov txiv tsawb mus muag tim nroog. Txhua lub lis piam nws caij luv thij taug tej kev xuab zeb mus deb li 180 kis laus mev (112 mais), thiab tsuas muaj ib zaug uas nws lub nra ntawd ua rau nws vau.

Tag nrho tej kev khwv nyiaj no Sedrick tsuas khwv tau kwv yees li \$1.25 tauj ib lis piam, los yog \$65.00 tauj ib xyoos. Nws siv sij hawm li plaub xyoos kom thiaj txuag tau nyiaj txaus mus yuav nws daim ntawv hla ciam teb, tiam sis nim no nws paub hais tias muaj ib hnuv twg nws mam li mus ua hauj lwm pab ua ib tug tub txib qhia txoj moo zoo vim nws twb tseg tau nyiaj txaus mus ua hauj lwm pab thaum nws raug hu mus ua li ntawd.

COV ME NYUAM

Kuv Mam Li Npaj Thaum Kuv Tseem Me

Kom pab cov me nyuam nco qab ntsoov Thawj Tswj Hwm Monson txoj kev nqua hu kom ua hauj lwm pab ua tub txib qhia txoj moo zoo, cia li xav saib puas

tsim nyog ua ib daim ntawv pov thawj uas muaj cov lus nram qab no rau cov me nyuam sau npe rau thiab ceev tseg saib ua dab muag, tej zaum nyob rau ntawm lawv ib phab ntsa los yog hauv lawv phau ntawv ceev xwm txheej.

KUV MAM LI NPAJ

Thawj Tswj Hwm Thomas S. Monson nqua hu kuv los npaj mus ua tub txib qhia txoj moo zoo. Kuv yuav:

- Ceev kuv tus kheej kom dawb huv thiab tsim nyog sawv cev tam tus Tswv.
- Tswj tuav thiab saib xyuas kuv tej kev noj qab nyob zoo thiab tej dag zog.
- Thov Vajtswv thiab kawm cov vaj lug kub.

Kuv mam li npaj mus ua tub txib qhia txoj moo zoo.

(sau npe)

© 2011 los ntawm Intellectual Reserve, Inc. Ceev txhua txoj cai. Luam tawm hauv Teb Chaws Amelika. Pub luam tawm ua lus As Kiv: 6/10. Pub txhais ua lus Hmoob: 6/10. Kev txhais *First Presidency Message, January 2011*. Hmong. 09761 295



Keeb Kwm thiab tej Qub Txeeg Qub Teg ntawm lub Koom Haum Niam Tsev

Keiv Ntseeg • Tsev Neeg • Keiv Pab

Ua tib zoo kawm tej ntaub ntawv no thiab, raws li qhov tsim nyog, nrog cov viv ncaus uas koj mus xyuas siab tham txog tej no. Siv cov lus nug kom pab ntshiv dag zog rau koj cov viv ncaus thiab kom thiaj nruab tau lub Koom Haum Niam Tsev tej kev koj ua rau hauv koj lub neej.

Eliza R. Snow xav txog tus Yaj Saub Yauxej Xamiv cov lus qhia thaum nws hais tias “txawm hais tias lub npe [Koom Haum Niam Tsev] yog tsim tsis ntev tas los no los, lub koom haum no muaj puag thaum ub thiab.”¹

Leej Txiv Saum Ntuj Ceeb Tsheej thiab Nws Leej Tub, Yexus Khetos, tau nqis los xyuas Yauxej Xamiv, thiab dhau los ntawm nws, tau txum tim txoj moo zoo rov qab los rau lub ntiaj teb. Lub Koom Haum Niam Tsev yog ib feem ntawm txoj kev txum tim rov qab los ntawd. Lub Koom Txoos tus txheej txheem tsis zoo tag nrho ua ntej cov viv ncaus lub koom haum ntawd raug txhim tsa.²

Nyob rau ob peb hlis tom ntej no, txhua tsab Xov rau cov Mus Saib Xyuas tom Tsev yuav muab ib lub cib fim rau peb kawm ntshiv txog keeb kwm ntawm lub Koom Haum Niam Tsev thiab nws feem xyuam hauj lwm hauv txoj kev txum tim txoj moo zoo rov qab los. Vim yog ntau yam, qhov uas peb to taub peb zaj keeb kwm tsis yog ib qho tseem ceeb xwb tiam sis *yuav tsum* ua thiab.

Qhov thib ib, thaum peb to taub peb zaj keeb kwm, qhov ntawd tshoov peb tej siab kom thiaj ua tau ib tsoom poj niam uas ntseeg Vajtsv thiab koj raws li peb yuav tsum koj. Thaum peb ua raws li tej

yam ntshwv ntawm cov poj niam Ntseeg hauv Hnub Nyooq Kawg uas koj kev yam zoo kawg nkaus, ces peb yuav kawm txog tej yam uas tau muaj yav nram ntej, kom thiaj kov yeej tau tej kev cov nyom nyob rau yav tom ntej.³

Qhov thib ob, peb zej keeb kwm qhia hais tias tib co ntsiab cai uas muaj hauv lub Koom Txoos thaum ntshov yog tib co ntsiab cai uas peb koj ua raws li niaj hnub nim no. Qhov uas peb paub txog tej no thiab paub txog peb tej hom phiaj—kom ua rau txoj kev ntseeg thiab txoj kev koj ncaj ncees loj hlob tuaj, kom ntshiv dag zog rau tsev neeg thiab tsev nyob, thiab kom pab cov neeg uas xav tau kev pab—tej no puav leej ua rau peb lub caij niaj hnub nim no thiab lub caij yav nram ntej sib txuas khov kho.

Qhov thib peb, thaum peb saib peb zaj keeb kwm rau nqi, peb sib faib tau tej yam qub txeeg qub teg ntawm sab ntsuj plig uas muaj los rau peb. Thawj Tswj Hwm Henry B. Eyring, tus Pab Cuam thib Ib hauv Thawj Pawg Thawj Tswj Hwm, tau hais tias: “Nej muab tej qub txeeg qub teg no faib rau lwm tus neeg thaum nej pab lwm tus neeg txais qhov txiaj ntsim ntawm kev siab hlob. . . . Zaj keeb kwm ntawm lub Koom Haum Niam Tsev yog sau tseg rau hauv ntawv ua lus thiab zauv, tiam sis tej qub txeeg

qub teg yog faib mus ib lub siab dhau ib lub siab.”⁴

Qhov kawg no, qhov uas peb to taub txog peb zaj keeb kwm pab peb ua peb lub luag hauj lwm kom txhim tsa lub Koom Haum Niam Tsev mus lawm yav tom ntej. Thawj Tswj Hwm Spencer W. Kimball (1895–1985) piav hais tias, “Peb paub hais tias cov poj niam uas saib lub caij yav nram ntej rau nqi yuav xav txog qhov uas kho lub caij yav tom ntej kom ncaj ncees thiab zoo mus.”⁵

Julie B. Beck, Koom Haum Niam Tsev tus tuam thawj tswj hwm.

Los ntawm cov Vaj Lug Kub

Exathaws 9:28–29; Loos 16:1–2; Amas 37:8; Maulaunais 7:45–47

Los ntawm Peb zaj Keeb Kwm

“Lub Koom Haum Niam Tsev yog tus Tswv lub koom haum rau cov poj niam.”⁶ Ua raws li nws muaj peev xwm ua ua ib tug yaj saub, Yauxej Xamiv tau txhim tsa lub Koom Haum Niam Tsev thaum lub Peb Hlis Ntuj hnub tim 17, xyoo 1842. Pawg me me uas xub sib ntsib ua ke nyob rau ntawm thawj thawj kev sib ntsib ntawd yog ib pawg poj niam uas rau rau siab, ib yam li cov viv ncaus hauv lub Koom Haum Niam Tsev niaj hnub nim no thiab. “Cov hluas tshaj plaws yog peb tug ntshais hluas uas nyuam

qhuav tiav nkauj tsis ntev, ho tus laus tshaj plaws, yog ib tug poj niam uas muaj hnuv nyoog tsib caug xyoo tawm. Kaum ib tug poj niam twb yuav txiv lawm, ho ob tug yog poj ntsuam, rau tus tseem tsis tau yuav txiv, thiab peb tseem tsis paub saib ib tug puas tau yuav txiv los tsis tau. Qhov uas lawv tau kawm ntawv qib siab los tsis tau, thiab saib lawv tau tuaj qhov twg tuaj, nyias txawv nyias, ib yam li qhov uas lawv ib txhia muaj nyiaj ib txhia tsis muaj. Qhov uas nyias txawv nyias no yuav loj hlob tuaj thaum cov poj niam uas koom lub koom haum no

coob zuj zus tuaj, tiam sis, txawm yog li ntawd, lawv puav leej yeej meem yuav ua ib siab.”⁷

LUS CIM

1. Eliza R. Snow, “Female Relief Society,” *Deseret News*, Plaub Hlis Ntuj 22, 1868, 81.
2. Saib *Teachings of Presidents of the Church: Joseph Smith* (2007), 451.
3. Saib L. Tom Perry, “The Past Way of Facing the Future,” *Liahona*, Kaum Ib Hlis Ntuj 2009, 73–76.
4. Henry B. Eyring, “The Enduring Legacy of Relief Society,” *Liahona*, Kaum Ib Hlis Ntuj 2009, 124–25.
5. Spencer W. Kimball, “Privileges and Responsibilities of Sisters,” *Ensign*, Kaum Ib Hlis Ntuj 1978, 104.
6. Spencer W. Kimball, “Relief Society—Its Promise and Potential,” *Ensign*, Peb Hlis Ntuj 1976, 4.
7. Jill Mulvay Derr, Janath Russell Cannon, thiab Maureen Ursenbach Beecher, *Women of Covenant* (1992), 28.

Kuv Yuav Pab Li Cas?

- 1.** Kuv yuav tsum ua li cas kom thiaj pab cov viv ncaus uas kuv mus xyuas txais qhov txiaj ntsim ntawm kev siab hlub?
- 2.** Kuv yuav tsum pib ua dab tsi lub hli no kom thiaj ua kom lub caij yav tom ntej yuav yog ib lub caij ncaj ncees rau kuv tus kheej? rau kuv tsev neeg? rau lwm tus neeg?

Kom tau ntaub ntawv xov xwm ntxiv, cia li txuas rau www.reliefsociety.lds.org.